

Powšitkowne WOZJEWJENJA

njedźelu, 27. měrca 2022

Wusyłanje Božeje mše

Serbskorěčnu Božu mšu móža wěriwi tutu njedźelu, 27. měrca, znowa jako livestream w interneće scěhować. Kemše přenjesu so w 9 hodź. z Chróšćanskeje cyrkwy. Link na nju je w interneće pod www.posol.de a na wosadnej stronje podaty.

Ekumeniski póstny seminar w Smochćicach

Poslednje zarjadowanje ekumeniskeho póstneho seminara w Smochćicach je pónđzlu, 28. měrca, w 19.30 hodź. Na nim předstaja film „Tomorrow. Die Welt ist voller Lösungen“.

Přiležnosť k swjatej spowědži w Róžeńće

sobotu, 2. apryla 17.00 – 18.00 hodź.	farar M. Anders, kanonik Š. Delan kapłan dr. J. Buliš, kapłan P. Mróz
sobotu, 9. apryla 17.00 – 18.00 hodź.	farar M. Anders, farar T. Dawidowski farar B. Jakubaš, farar dr. B. Dittrich
pónđzlu, 11. apryla 18.30 – 19.30 hodź.	farar M. Anders, farar T. Dawidowski farar G. Wornar, farar dr. M. Kleiner
wutoru, 12. apryla 18.30 – 19.30 hodź.	farar M. Anders, kanonik W. Sćapan kapłan dr. J. Buliš, farar dr. B. Dittrich

Kóždu sobotu je do Božeje mše za lud a kraj, kotraž so we 8 hodź. zahaji, přiležnosť k swjatej spowědži.

Putnikowanje swójbow

Lětuše putnikowanje swójbow do Róžanta wotměje so pjatu póstnu njedźelu, 3. apryla. Boža mša mjez cyrkwu a putniskej łuku zahaji so w 9.00 hodź. Městna k sedženju njebudu spřihotowane. Zběrka je za ukrajskich čěkancow postajena, konkretnje za akciju „Łužica pomha“ Towarstwa Cyrila a Metoda z.t. Kemše w 10.30 hodź. tón dzeń w Róžeńće njebudu.

TCM hromadži pjenjezy za ukrajskich čěkancow

Towarstwo Cyrila a Metoda z.t. (TCM) hromadži ze swojej akciju „Łužica pomha“ pjenježne dary za ukrajskich čěkancow w Pólskej. TCM přewostaji dary Cariće w Ełku. Jeje direktor prelat dr. Dariusz Kruczyński, wjele lět partner TCM, praji, zo pomhaja tuchwilu najbóle pjenježne dary. Trěbne twory za čěkancow móža sej w Pólskej kupić. Štóz chcył domapytanu ludnosć podpěrać, njech přepokaza pjenjezy na konto TCM: Cyrill-Methodius-Verein e.V., IBAN: DE 65 7509 0300 0008 2823 66, hesło: „Ukraina“. Štóz sej darowanisku kwitowanku přeje, měł swoju adresu podać.

Młodźina na křižowy puć

Křižowy puć modli so dekanatna młodźina bołmončku, 10. apryla, w Pančicach-Kukowje. Započatk je w 14.00 hodź. na klósterskim dworje.

Póstny wopor młodźiny

Lětuši póstny wopor młodźiny je za džěci a młodostnych na Ukrainje postajeny. Pjenježne dary měli so na konto Drježdžansko-Mišnjanskeho biskopstwa přepokazać, IBAN: DE 65 7509 0300 0008 2948 79, hesło: „Póstny wopor Ukraina“.

Jězba w lěću za šulerjow 5. do 8. lětnika

Dekanatne dušepastyrstwo džěci přeprošuje šulerjow 5. do 8. lětnika w lětnich prózdnotinach na jězbu do Lückendorfa w Žitawskich horach. Wona wotměje so wot pónđzele do pjatka, 15. do 19. awgusta. Přizjewjenja přijimuju hač do soboty, 30. apryla, online. Link je pod www.posol.de podaty.